

猶園第十一目錄

靈祇

龍神 四則

都城隍神

郡城隍神 四則

關漢壽 五則

天帝 三則

天妃娘娘

三官神

廣利王

張惡子

朝嶽神

財神

神兵

唐勝祠

牽牛織女

猶園第十一目錄

知不足齋重訂

二十八宿

死後為神

杏樹神

金碧山神

張睢陽

青龍白虎神

木母娘娘

赤沙塘岸神

東嶽判官



繪圖第十一

明吳會士人錢希吉撰

靈祇

龍神一

蘇州府學前居民小奚以櫛髮折枝爲業其婦容姿絕美娶近兩年忽有一白皙少年身著素練衣甚鮮潔每伺小奚出輒至其婦寢室往來誘狎遺以酒食金繒無算奚婦悅之私相結好備極綢繆忽一日有戴胡帽髯奴款門報王者至少年急隨之去有頃聞前呵聲奚婦

繪圖第十一 靈祇

一知不足齋重訂

閉戶窺于簾隙見儀衛導引甚盛其官人著金冠衣朱袞巨目虬鬚貌頗獍狺後騎從百餘人皆介金附鞬則少年與焉婦大怖恐明日少年復來婦問昨所過者何官狀貌真可畏也少年曰非陽世官也是震澤龍王昨夜過尊經閣中造水府冊子某亦以此淹留與卿諧露水之歡耳然慎勿語于外也婦曰蘇城亦有人乎曰遠近州縣死數甚多本城合死者不滿百人記未真也忽小奚自外入乃見此少年與婦同席飲酌笑語喧然大怒屏氣以伺有頃見其攜手入幃中身悉是蛇鱗遂驚



訝拾磚擊之空過無礙少年化爲白氣一道其光如電穿牖而出跡亦遂絕是時龍門鳳池兩岸人家連夜望見尊經閣上燈光燭天後數日胥江颶風驟起舟船覆溺死及七八十人半是送南倉橋褚氏殯而歸者其他處沉沒不計數考其日乃支千家所稱龍會日也因知少年爲白蛇之精矣里人陳榮親說甚詳

龍神二

萬歷庚子永平城南有龍王廟甚靈日漸就圯土人告于官謀鼎新之官以公儲置之爲辭土人云第求府君

繪園第十一

靈祀

二種不足爲重訂

俞其議耳龍神自能取山木至也官怒其欺罔叱而去之民祀旣淫神妖亦作其年永平大疫感謂此神爲祟郡邑上葺廟之議于觀察使竟與判允旬日間忽有怪雲生惡風起迅雷急雨交作土人喧傳今日龍王伐木也蓋其地與邊境接壤若甌脫之間極多大木皆廣可數圍年深歲久斧斤之所不及者一夕爲陰兵數百伐取殆盡平明悉仆于地矣土人入山見所遺神斧四柄其柯木黑如銕色長可四尺許斧鋒利若新淬燦然奪目而有鐫篆文字以此審非人間物也每斧須數十人

肩之還解于官乃知土人之言不妄矣又不旬日水暴漲大木蔽江而下積亘數里首尾不斷浮至廟前而止悉中國未有之材以數千計於是鳩工建廟規制宏敞十倍舊觀矣秀水姚侍御思仁與黃州牧說

龍神三

張光州外孫陸二郎住蘇州包衙前街口揭衣踐溺忽見雲端有騎蓋數百人護一黃袍金冠者在空中行旗幟戈甲人馬紛闐與都御史威儀無異某甲不覺路地悶絕魂遂攝赴府城隍廟中矣其夜埃城隍歸詰責之然後放還復甦具述所見乃是震澤龍王行雨城隍與焉不虞觸犯鹵簿幾不免于髡刑明且暴雨如注三日乃止聞于高承先

龍神四

福州古田縣有龍母祠祈禱最靈相傳龍變爲美少年與居民某氏女交有娠以明年某月日夜半雷電中生一子天明失其所在至更餘復來就乳如是歲餘母謂其子曰吾兒終不令汝見面耶子曰恐見之不利于母母曰寧見兒而死于願足矣遂約定某日午時到家母

盛粧而候之至期風雨晦冥飛沙折木白龍垂首而下
窺于檐母啟戶見之立怖死乃厚葬其母近邨半里有
石壁數尺龍穴其中成洞居民因建祠塑像龕帳中焉
水旱必禱靡不驗繼後歲旱稍弗應衆相與昇母像于
庭鞭其背忽有雲起洞陰俄而盲風怪雨震雷驚電卷
去室廬樹木數百家揭其鞭像者于半空中復墜地如
此者三然後擊殺衆望空列拜許鼎新母祠方止此龍
母與吳中繆氏女事髣髴相符其斯爲四靈之一長歎司
農員外郎長泰陳詩謨說

繪圖第十一 靈祇

四如不正齊重訂

都城隍神

北京都城隍神者天下城隍皆其所屬神所居巖肅殿
宇巍峩羽衛環列一如王者威儀人莫敢輕犯焉隆慶
二年間杭州某衣冠宦于燕邸有一子方少年未踰弱
冠已舉秀才爲入貲順天國學聰慧殊凡過目成誦父
母並珍惜之乃與京中一同年假其西山內莊居作館
延浙東高材生爲師家人馳送供給絡繹往來莊居有
池館據西山之勝朝烟夕嵐明滅窗牖民居七八家隔
溪相望中見一女郎年可十六七姿容絕麗常衣淺紅

衫子白練裙備出妖冶之態煽惑少年少年神蕩魂與不復以經史爲意矣思之成病不喜飲食師訊其故具以情告焉其師狡妄人也責成其姦不虞陰譴乃謂少年曰子具酒牢我爲撰章奏焚于都城隍神座前藉神力助子成就嘉姻少年具如所教乃與師潛自入城禱于神焚章奏畢食頃廟有巫者降于庭獨言曰君家事已下文祿司梓潼帝君查考君乃萬歷二年甲戌科狀頭壽當九十師亦同榜進士也今欲私通室女不善莫大焉至有穢言躡于神聽已滅折其祿算卽十九歲夭矣師與淫謀教人不善獲禮義之訓播淫佚之風立命抽腸副之言訖如醉而寤少年與師大恐急還山中明夜少年夢金甲神來命左右取鉗鎚執斤斧鑿其頂骨叱而語曰汝是萬歷二年甲戌狀頭今爲不善天帝已察無錫縣秀才孫繼臯有夜拒淫奔之事其父又行善卽以是科狀頭改賜之矣汝二人死期將至何爲尚滯于此可速還家猶及與父母相見也少年驚覺慄汗如冰急還家白于父母乃言爲先生所誘如此衣冠大怒詬責其師師亦慚媿無地已腹痛三日矣又三日師

下齋死少年亦中夜心痛暴亡其明年穆宗皇帝升遐
今上龍飛改元萬曆越明年殿試果孫侍郎作狀頭矣
然則國家歷數已先定于冥中異哉人奈何不爲善也
吳興靜山老人胡君親炙其事

郡隍神一

蘇州昆山塘上有一野廟其中並小泥神也萬曆辛亥
冬府學秀才某佳昌門因赴督學歲考而還舟經野廟
長年登岸賞酒秀才亦起開行甫入廟門就地湯湯訝
曰何爲盡是小菩薩不見有大菩薩也

吳人稱神道言
通爲菩薩

繪圖第十一

靈祀

六知不足齋補訂

畢而出便下船抵暮到家身覺爲風寒所侵入室遂臥
中夜病熱其恍惚之際見騎蓋繽紛隊仗無數羅立于
庭中官吏伍伯樂人侍者凡數十隊並長尺許頃之擁
至牀前乃是畫于塘上野廟中所見者也秀才問汝等
何爲至此羣起而對曰廟中缺少大菩薩迎公往赴任
耳便昇登車秀才與其妻訣別我失言以侮鬼神自悔
何及卿可速具酒牢紙馬遣人往昆山塘上某鎮相近
一野廟中誠懇祈禳或得放歸則一助也言訖死矣明
日昧爽時秀才復甦語其妻曰與卿作別衆便掖之出

房投一襖新衣爲某粧束冠帶甚整聽卿哭聲漸遠乃
知身已死矣在車中者魂也行可二里許見棹楔立道
旁似府城隍廟前細視威靈顯赫四金字是真此時鼓
吹不作呵聲寂然某便驅欲下車入廟參謁衆罔不從
某大怒欲笞之不獲已疆下于地令某獨入約云謁過
便出慎無妄言諸魅羣趨于廟場東角以何旣入仰視
郡隍神衣冠昂然據大殿上方于燭下判案手不停筆
兩旁侍立官吏皆人也磨幢旌節一如刺史之儀某跪
且拜神畧不爲禮便問汝何官職應曰秀才也神遽叱

退命吏褫其衣冠責曰秀才尚是布衣安得僭濫名器
一至此乎某泣而告曰因赴學臺試而返路經昆山塘
上野廟戲言衆神之小其夜遂蒙騎樂相迎願垂拯援
神變色猶未之信某告曰見在廟門外神敕鈴下出擒
邊巡鈴下還報曰果有之驚潰而散去矣神謂吏曰查
是何鬼物魅人卽遣甲士持符往取某便乞放還神曰
須留與彼對簿某又擊額數四神索文籍來查陽算見
一官跪唱曰未盡因令左右送出旣出望家而奔疾如
電逝附魂屍中然後得活舉家聞言驚喜交集及暮而

祈禳之使偕巫祝數人還報曰五更初廟中火起塘上居民競見火光中有鬼兵數百捧官將之髮而去百年香火一朝蕩然

郡隍神二

萬歷壬子年蘇城有一秀才某家甚貧其妻子常多病詣肆卜問輒云城隍部下傷官爲祟頻索酒肉不絕如此經年至割青衿入質庫中備禱請之費復病如初又卜仍說此鬼求食秀才怒乃爲文以告郡隍神焚于爐中還家少頃見鬼物馮其婢而揚言曰寃哉寃哉某所求者幾何輒以贖于神聽今被笞掠無數革我阜隸押付幽都永無超脫日矣言訖號泣而去已漸無聲妻子從此病痊康豫如故

郡隍神三

浙江省城隍相傳是國初周諱至今靈異廟在吳山之巔海寧陳太常與郊長兒祖臯爲縣諸生萬歷乙巳冬祖臯之妻母死夫婦同往海鹽塘西經紀喪事遣奴在破石鎮治祭忽遇滿指揮捕鹽錢河爲賤人格殺去家既遠不知根本時掌衛印者指揮聚成文也夙怨太常

輒構祖臯于津要曲致其罪聞者寃之當獄未定時成
文與同里諸生沈瑞徵厚善采家貧薄不善詞章沈貲
巨萬兼工刀札兩人深相要結指天約誓若其計得陳
氏財物彼此擘分無有欺負爲盟旣已便令瑞徵往說
太常太常謝曰陶朱公以千金死長男遺恨青史吾貧
故無金卽有之亦不信莊生言也君其休矣瑞徵援引
再三終莫能動輒然辭去潛求于臥內往來者尼媪女
巫以達意太常夫人夫人謂能出其子于獄諾之千金
先從所親家轉貸得鏹六百緡付子客夜投沈氏丁寧

猶園第十一 靈祇

九知不足齋重訂

寄託太常都不聞也比瑞徵得金竟違前約悉入私橐
密其事不告成文因而周旋疎闊成文意甚怪之揚言
欲出文書辭氣增厲子客告急于瑞徵瑞徵謝不出見
子客勢且窮迫乃走白于成文具陳曲折成文大驚隨
偕而往相與面質有無瑞徵計亡所出左支右梧而慚
沮色變矣于是牽衣跪庭下遁申舊盟周章荒亂語纏
不流成文出門歎曰吾乃爲豎儒所賣遂乘津要之怒
僞道辭款祖臯大辟繇此鍛成不數旬而瑞徵疽生于
腹痛苦負牀叫號宛轉白晝見冥卒執符牒云奉城隍

神命來追自度不起適會狂僧挂瓢著笠繫膏藥纒纒于曲竹杖頭入里門大呼曰賣仙人奪命膏繞街數迴索直甚昂舉家異之捐錢數貫狂僧取錢畱藥便以藥貼傅瘡口應手潰爛洞出腸胃遂絕走跡狂僧不知所向矣又不數旬而成文亦暴卒于家目中彷彿見太常衣冠入門連喚對事守之而去初太常嬰難慘毒晝夜呼天晨起則著囚服蒲伏往訴于郡城隍廟中爲文祈死訟冤泉下未幾果下世徵等後先有此報凡與獄者相續淪亡無幾年間殂落殆盡所知金三枝傳說

猶園第十一

靈祇

十知不足齋重訂

郡隍神四

蘇州府城隍廟前湯秀才重鼎年未三十急于科名萬歷三十年間歲朝謁廟爲文以告于神求滅已算早薦鄉書觸忤威靈其春便卒若天奪之魄然矣

關漢壽一

萬歷初職方員外郎某掌山海關事一夕夢漢壽關神降于其庭召而語曰明日當午有異色人抵關載牛頭七輛必痛禁之不可納也職方敬諾驚而寤及明卽嚴飭軍士傢伙守關戒毋得妄入商人車輛令下畢日漸

向午果見有人推七乘車直抵關下窺之皆牛頭與夢中神語符焉於是守衛益密固不容納垂晚始推迴車子曰此處不受合載至西邊人喫也塵埃一起已失所在其年報西國中犯牛頭瘟死者十七而薊鎮燕都畿輔之間民獲無患乃知關神所默助焉相傳山海關門上有壯繆侯祠英靈夙著東北賴爲干城不虛矣

關漢壽

紀先封公遺事

亡祖府君少好節俠性豪宕不能下人遂遭誣謫謫出遠左客令寧遠伯李公家寧遠嘗父事府君又帥事之

猶園第十一 靈紙

十二知不足齋叢書訂

其恭遼陽有關漢壽祠在鎮嶺城外最多靈異香火繁盛府君時時往祭禱焉其年嘉靖己酉先世父武選公赴順天鄉試先君時爲鏡嶺諸生一日五更時扶侍府君入廟謁神父子各攜一燈旣至有廟祝趨出迎拜府君曰賀喜賀喜適來夢中蒙神降靈宣教敕某速起云錢封公至矣攜兩燈來告其有一燈息一燈也府君謝之遂舉燈滅其一率先君瞻禮而出先是府君兩目俱盲且十八年往矣是早從神廟歸道經廟前大石橋月色中忽有聲從空而下如霹靂然目開如故心以爲祥

無何捷報踵至矣其冬世父鄉薦後復從都下返鉞嶺
衛將扶府君南還府君與世父先君父子三人同行至
山海關口夜宿主人翁孫氏孫老儒也留飲甚洽談笑
之間府君從容歎曰莫非命也吾嚮者夢神人贈詩有
千里馳驅蘇武節百年功業子陵鉤之句今方十八年
乃得生還何謂非先兆哉孫起而對曰某聞蘇子卿十
九年在匈奴未聞十八年也府君愕然不悅是時有司
假牒以歸府君雜家隸中冀得脫身于關而部使者主
關政見府君美髯下垂過腹笑謂世父曰此而翁也英
相誑來春先輩聯捷僕請折關門柳絲贈行矣禁弗出
府君府君遂還舍子孫氏父子兄弟三人相持慟哭而
別蓋明年庚戌世父果擢進士第而部使者始愧謝饒
府君行矣往返計十九年果符神人夢授之語而酉一
登戌一登壯繆降靈若券授焉後世父爲駕部郎始上
書白府君寃有詔洗雪府君遂脫戍籍封如子官享年
八十有七

關漢壽三

萬歷辛卯歲余因隨亡叔廉察公補官都門凡數月乃

得山東武德道缺剋期將發余亦憐爵思歸夢魂恍惚
時宮詹學士陳公于陞春官尚書于公慎行並廉察叔
雁行於余有朝士之賞咸思提挈止余不行余心佩之
然歸志決矣擬明年再覓良便入京不欲負二公惓惓
出都之日先詣前門外東觀世音廟中乞籤得四句云
鑿石方成火淘沙始見金青雲終有路只恐不堅心其
籤訣一小帖子下刻此詩上方卽畫鑿石淘沙之象及
有書生乘馬在雲中行者余拜而出因復詣西漢壽亭
侯廟乞籤又得四句云佛說淘沙始見金只緣君子不
牢心榮華總得詩書效妙裏工夫仔細尋余誦畢不覺
驚駭汗浹如雨自歎下界愚蒙以何因緣一時獲靈異
于大士關神叮嚀告戒其言相符若券授然也是歲余
歸而遭母艱尋染大病幾死壯心如灰形容困悴二十
年來不復作長安夢矣慚負古佛明神以雲路相期徒
爲天地間一廢人耳然雖無榮華享有虛譽未必不本
于詩書力也因漫記其事于此

關漢壽四

南濠利濟寺有關漢壽像舊爲本寺伽藍寺僧設齋嘗

爲人所盜食因移像供于香積廚下請神監齋後以爲常忘歸舊處一夕僧開關戶聲連呼不應乃止明日起視則像自行至外殿承于故位矣僧云凡兩度移之皆然遂不敢動時歲在丁未

關漢壽五

海寧太常少卿陳與郊隆慶庚午冬以鄉薦計偕入都門夜泊山東臨清城下見岸側有關漢壽祠太常素崇敬此神遂入廟拜謁乞夢默祈功名之事是夜夢至一處驚曰何地有紫衣宮監出謂曰此天子殿前天子且

猶園第十一 靈祝

十四知不足齋重訂

至矣頃之間呵殿之聲甚肅屏立以窺忽見殿上旌旗日月衣裳錦繡羽衛數百人引出一垂髫小兒衣赭黃龍袞正南面而坐俄而有人持衣冠加于太常之身太常回顧已身與省中諸郎並立居近御前遂蒙召對甚稱肯上命前紫衣宮監押出硃紅箱子十隻每隻以黃繡袱覆其上內有供奉才官傳宣特旨命陳與郊分賜大小臣工等太常卽叩頭謝恩而出旣出所舁十箱安置一大公解中太常竊啟視之乃每箱中有大統歷一手本計十箱則萬本也驚而覺不知何等明年辛未下

第至萬歷改元癸酉冬北上傳聞今上方十有一歲果
叶垂髫之夢而萬本歷日非國號乎已預定于三年前
矣太常心計此行必成進士無疑已復維舟臨清關漢
壽祠傍遂再入祠乞夢是夜又夢入一府署視堂上官
人猶未出衙惟兩傍官屬典吏環立左右竊視其案上
文書乃是甲戌科題名錄也見新榜進士姓名歷歷可
數寓目殆遍而已名不與焉惶遽不勝以叩典吏典吏
曰君必進士然未也在後丁丑科矣太常叩頭祈請曰
某有訟獄爲怨家所誣若今科不第即青衫不復保矣

繪園第十一 靈祝

古知不足齋重訂

藉公之力入白主司與某改注今科終身戴德何時敢
忘典吏許諾入有間而出曰今科名籍已定難可改移
且待丁丑與翰林官去做也太常曰某布衣耳擢一榜
尾進士足矣敢望作木天貴人乎更煩轉囑鈞聽典吏
不得已又爲入白如初出而語曰念君如此已爲改換
今科訖但合授翰林假秩未必真也旣覺秘不輒言果
以甲戌春領南宮第二人是科執政之子不獲雋竟格
館試不行而太常調選司理以治行高推擇爲工科給
事已轉至吏科都諫秩滿拜翰林院提督四夷館太常

寺少卿方悟昔年之夢話于同官歎曰功名之數已定于冥冥之中久矣豈可彌而求哉遂上疏乞骸骨歸旣還武林閉門著述優游西湖之上者又二十年最後以郎君被誣枉繫于獄替替不樂而卒誣訟之言于斯驗矣門下客金三枝說之

天帝一

北寺前小王容甚俊弱冠未娶爲鄰舍某乙之婦所挑婦亦輕蕩密訂期于北寺塔中反鑰其戶白晝裸而淫焉未幾乙死小王因媒說合娶婦爲妻兼遂有其私蓄

猶園第十一

靈祇

去知不足齋重訂

廣開驢磨積粟累金首尾十三年家驟致富與婦生子一女矣暑月之夜兩人露坐納涼私相謂曰吾與卿塔下之歡悅惚如昨久欲延羽流設一醮事以洗宿讐恨不得閒暇了却夙願耳婦曰旣有此願何不了之遂謀擇日修齋結壇設醮三十六分請道士奏章上于天帝懺除罪過詞意誠懇其日當午道士焚香再拜伏壇下奄然如逝良久方起喘息流汗救諸道士曰速收拾醮場雷神至矣衆莫能違闕測其故蓋道士游神詣三天門外見天帝震怒此事追訊十三年前直日功曹爲

誰何得不舉謫罰俾其漏網亟命雷神下擊此夫婦而道士亦被訶責無地矣是日天色晴朗忽有雷聲殷殷自北而至頃之漸迅電光駭空見二雷神從屋而下手摔兩人髻髮當頂貫結相對跪于塔前霹靂一聲擊死于地朱書其背跡甚分明自此家計蕭條子女皆流蕩焉蔡文源親見其事

天帝二

延令周岱嘉靖庚戌進士官比部員外郎爲人豪舉不拘細行解組歸家于揚州茱萸灣下爲園亭池館日載

猶園第十一

靈藏

志如不足齋重訂

酒游其中聲妓滿前壺觴羅列客至飲讌雷連盡歡而罷岱體甚肥腹垂至膝每當暑月琢水精爲腰帶日三易之猶云不堪自爲文以告上帝乞速化果以是年卒

天帝三

平湖張大中爲嶺南左方伯萬歷辛卯九月棘闈事竣將奏計闕下挈家口同還江浙路出贛州都御史錫山秦燿張之絲蘿雷讌南贛署中所攜妾媵二十四人封鎖水西驛內其夜浮雲方散明月漸升忽見半空中有氈笠錦仁藍帶一人執黃傘下來厲聲呼云某奉天帝

命來召張布政去遂畱其傘于庭復騰空而上舉家大
悸夜半方伯還其白其事所遺之傘與人間無二方伯
默然自此遂不言矣登舟後如啞如啞平居嚴肅左右
非呼喚不敢入侍凡三日視之屍已僵人或謂帝召有
驗云方伯雅好房中術所置衣篝之艾以備鼎器皆粉
黛殊色歿後各挾重貲散去導其術者彭廣文也計大
謨爲遊賓目擊如此

天妃娘娘

遂州項中丞應祥萬歷二十年間以戶科給事中銜命

猶爾第十一 靈祇

夫知不足齋叢書

冊封琉球事竣而還中途遇颶風卒至駭浪滔天樓船
觸碎于海岸官吏沉溺珍寶散亡惟中丞與醫士何日
曉兩人獨在乃附一破船板浮于水上順流而東是夜
常有一燈在前導引不離二十步外其板隨燈漂去疾
如風行俄而著岸暗中若有人引之登者依傍見此火
光穿古廟中而滅兩人便入廟宿訊之乃是福建海口
天妃娘娘香火始悟其靈應焉中丞具奏其事于闕下
重加封號鼎新廟宇闕南人云若燈所不能挾者天妃
便降神海中指引而還有人常見其雕斲繡纈掠水而

至髣髴若飛行旅微聞珮環釵釧之聲往來必有祥烟
慶雲覆其車上

三官神

萬歷癸未新安布商某在上海縣販布日將晚欲往周
浦過一田莊船市貨將歸商呼寄載便下之三人搖櫓
唱歌忽見商開囊解裹皆燦然上金也輒起惡謀行至
黃浦中流將商縛于大鏡猶上沉之悉劫囊中六百金
而去其夜莊主納涼于庭忽見有一大物如車輪從空
墮下其聲鏗然急命取火視之驗是船上鏡猶猶上有

猶園第十一靈產

九知不足齋叢書

一人反接在大驚遂與解縛問其故具述被盜三人劫
金沉水幸遇水府三官神遣鬼神自餘輩撈起並奇形
怪狀不敢仰視身亦不知何得至此莊主心知盜者三
人卽其奴也親慰勞之與以飲食湯沐藏之密室中有
頃奴還矣莊主便問鏡猶安在奴輩相顧駭愕具伏其
辜遂縛三人于鏡猶沉之水謂曰我亦效汝所爲不須
聞于官也追舟中六百金宛然在焉歸諸商商遂捐金
建三官廟于縣東門外勒碑以頌其事布商莊主姓名

具載碑中

廣利王

廣利王廟香火盛于嶺南積貯民間施捨金錢許人告借有賈人子持券借金筭卜于神前凡三次皆大吉三次計借過數百金纔出洋便遇海寇刼取最後羣寇縛之于樹拷訊其故此人具言借自廣利王廟且三操券矣寇惻然憫之適有近劫商船桐油數百筒給與此人連舶載去販作資本後賣其油每筒底有元寶一雙立償子母于神家遂大富王徵君子牛塘寺說

張惡子

猶園第十一 靈祇

子知不足齋重訂

張惡子廟在川中最靈相傳宋朝有某縣亡賴舉子二人計偕入京大雪中無所投宿便入廟就供卓子權慰至夜中羣神畢會于此廟唱云與新科狀元共作制舉文其題是鑄鼎象物賦諸神口中各讀一句此二人性本敏給互出筆研題于書頭不失一字踰時諸神賦成各各拱揖呵殿而去及對大廷二人懵然無知交相詫質既揭榜之日狀元乃姓徐按其廷試卷與書頭一字無異造物戲人若是乎王徵君言

朝嶽神

萬歷甲辰冬常熟縣東嶽廟重新粧塑嶽神工畢社中擇吉日送神登殿先一夕有東鄉富人載祭儀入城上嶽還願船行二里許忽見田間隔岸遠近數十里外鬼火千點青光熒熒久之有兵仗甲騎呵殿而來絡繹不絕初以爲官僚訝非孔道後見列炬下皆奇容異狀人乃知山林樹木之神或村坊土地並來朝見東嶽及明而罷

財神

河南濟源間人有乞貸貨帛于神者隨所須浮出水上

繪圖第十一 靈祇

主知不足齋重訂

太山東嶽亦如之國初山西人金箔張以爲伏機所爲歸卽鑿池倣其制爲之已而果然此猶足塗愚民耳目今吾鄉市廛貿易之夫每歲首立契向五聖乞貸先買大紙錠往獻于神仍持歸懸于家廟中供養惟謹至歲終如其小者于外以爲子錢赴上方山焚之名曰納債不敢後期自欺乎欺神乎其愚一至此也

神兵

嘉靖甲寅乙卯年間倭難起蘇州郡丞任公環領衆破敵激烈忠憤親立柁鼓之下不避矢石東吳四境賴以

莫安詔加右叅政銜備兵海上會羅家艱墨纒臨陣初
公每夜籲天禱請願垂默祐及倭退之日我兵皆解甲
飲馬歡聲載途其夕有守城軍士在胥門城樓上宿五
更起灑驚見對岸石灰橋南白侍郎廟前神兵數十隊
亦皆倒戈弛冑隱隱望西而去人馬如在霧中行人但
露見半身馬止及腹而已不知所助者是何神兵也非
公蓋誠不能感格靈祇至此

唐勝祠

相傳嘉靖乙卯之變倭集城下捍禦無策中外惶懼人

稽閱第十一

靈祇

三知不足齋重訂

情洵洵忽有一小卒名唐勝者夜至營將帳前獻計曰
急煎人矢如沸取以灌之如其言而退將奇其策亟召
敘功軍中並無其人稽閱尺伍籍中闕如也知是鬼神
所使後遂立唐勝祠今在昆山小西門外六十年矣廟
貌如新

牽牛織女

昆山縣東三十六里有黃姑渡渡口有祠曰黃姑廟今
隸嘉定積古相傳昔有牽牛織女二星降神其地織女
以金釵劃水水忽湧溢俗遂呼爲百沸河卽渡西之水

是也居民異之爲立廟焉舊列牽牛織女二像宛然雙
棲後乃去牽牛而止祠織女觀其像獨一女子黛鬟紅
粉嚙客動人每歲七月七日城市村坊遠近諸女郎攜
燈映月而來競山奇果珍餌名花貴香金錢綵鏹入廟
賽神從神乞巧施捨繡鞋錦囊璧悅流蘇之屬先拂神
額後挂帳前纍纍不絕凡所籲祈皆立應矣

二十八宿

歷代天官志載二十八宿甚詳相傳高皇帝一日步月
下仰觀元象忽召侍臣開濟問曰古云二十八宿信有

繪園第十一

靈祇

至如不足齋重訂

之乎濟對曰豈惟有神莫不有形以陛下精誠可因祭
享而致也于是命太常擇日設二十八位陳列名香美
果異味芳醪之屬每坐用飛絮爲禱試其來否卽命開
濟主祭祭畢驗之絮鏹皆盡隱隱禱上有列獸形惟婁
觜兩星不來禱鏹如故上召濟謂之曰此二星何爲不
至也對曰已在人間久矣上曰應象者誰濟曰陛下卽
婁金狗臣乃觜水猿也上笑曰爾亦應天象乎因欲死
濟遂命昇殿前金銅仙人與濟對飲飲至數石仙人之
腹已不能容而濟醉死矣據野史所載則云周顛在匡

山林寺宮殿侍從儼然王者威儀中有二十八室顛謂
使者曰二十八室者經天之宿也遷爲人世主汝主方
御宇故一室屬鑄虛無人焉其說又如此然釋典中此
二十八宿皆言形狀甚悉當用何物祭之其說更詳不
獨支于家以九州分野分配而已案神仙感遇傳載唐
開元中玄宗皇帝晝集宴居昏然思寐夢二十七仙人
云我等二十七宿也一人寓直在天不下我等寄羅底
間三年與陛下鎮護國界不令我虜侵邊衆仙每易形
混迹游處耳又宋朱舟曲海舊聞第四卷中云崇寧初
范致虛上言十二宮神狗居戌位爲陛下本命今京師
有以屠狗爲業者宜行禁止因降指揮禁天下殺狗賞
錢至二萬據此說則我聖祖應象之說定非荒唐

蘇州東天
王堂有二十八宿像
傳是唐朝夾紵所製

死後爲神

余族兄封侍御公亨旣逝所親夢其衣冠輿從迎入城
隍廟中前年蜀人鄭郛爲蘇州司理死後傳爲太倉州
城隍吳人因塑像府城隍廟中楚人江盈科死爲四川
成都府城隍此蜀賈親詣余言大抵聰明正直之人生

有封爵死爲明神定不虛耳鉛山費太常堯年病甚夢
至一所上有王者端冕而坐問之知爲馮祭酒夢禎語
太常云爾當爲蘇江廟神次日太常病革視見蘇江廟
中旗纛鼓吹來迎家人亦聞羽衛車騎之聲五日後廣
信府城中有召乩仙不至問之蒼云鉛山費公爲神初
下車因赴東嶽陪讌故不及至耳又問費公得無號唐
衢者乎曰是矣然天機不宜泄也時萬曆戊申正月二
日事公以除夕捐館昔人夢蔡君謨爲閻羅王帝召李
賀賦白玉樓理有之焉

杏樹神

猶園第十一

靈賦

孟知不足齋重訂

萬歷中宰輔申公謝政林居優游詩酒第傍別業名曰
適圃故唐武后龍興寺基也旁多空地有老杏數十章
皆千百年故物初公未有其地樹屬民間會新安買豎
方持八金就民家計沽其樹爲材要以翌日伐取其夜
公之家臣張承恩夢一黃衣老人謂曰君明日有大厄
賴而主相公之福蔭以保其天年當效冥報于君不敢
忘也張夢中便相許諾老人致謝叮嚀而去張來日早
起行過其地忽見數人持斧鋸操畚鍤而至將共伐樹

張憶夢中之言遽前止之問何爲見伐乎曰取以爲材
問出何直得之耶曰八金張卽出八金交還曰近吾府
中不忍其廢也竟弗果伐是秋落其實得鴨脚子數石
便獲價八金鎔珠不爽聞于俞山人安期

金碧山神

陳中丞用賓開府黔中時因夫人病劇設壇于幕府夜
召此仙仙至問姓名自署金碧山神問疾可掇乎曰夫
人不豫欲爲請命奈新天子法甚嚴峻無路可相掇矣
問天子爲誰曰卽常熟人春官侍郎趙用賢也今爲第

繪圖第十一 靈祇

妄知不足重訂

五殿閻羅王按察人間善惡三月十五日蒞任公尚不
聞之乎書畢而去中丞愕然心計侍郎是同年兄弟向
來請告還里安得有此事耶不之信此萬歷丙申三月
十六日事俄而夫人果卒越三月中丞閱邸報有大臣
病故一本侍郎委以三月十五卒于家始知山神之言
非妄矣遂撰祭文具述此事于中更致賻儀十金附于
參政袁年賚萬壽表還吳下中丞復貽書公子將金薄
治雞黍之奠誦祭章于靈前嘔萬里之遙一日而神已
知之預告于人間豈不怪哉侍郎攀檻批鱗平生風節

矯矯死爲地下主者故宜爾也金碧山神豈卽王褒所祀金馬碧雞之神乎

張睢陽

無錫縣最重張睢陽神稱爲大菩薩萬歷中苑山顧氏病困死當熟名醫陸誼往治之旣診脉告其家人曰病已十分似不可爲矣姑處劑一貼試與服看夜來何如至夜留誼飲數巡送至宅西偏院方背燈就寢忽有一人遍身著黃手執黃旗跳躍于前而言曰此人命蓋吾屬增之至一尺却被君減去二寸獨不懼陰譴乎言畢

金剛第一

靈脈

老知不足齋重訂

凌空而去誼悸汗如雨終夜目不敢交向晨啟問內應云謝醫師病勢已減去一二分矣及召入診脉果覺脉理減可心甚怪之出坐于堂見其家人奔走請禱巫祝在門誼問所禱者何神曰往祭縣中大菩薩問大菩薩何名曰唯陽張相公也曰然則我亦同行將往觀焉旣至則廟貌煥然香火繁盛牲牢簫鼓之祭陳設于庭驀見神座前粧塑一太保捧旗而立宛是隔夜燈前所見者誼大驚叩頭再拜趨出到門力辭主人不索謝而返親爲余弟湜說之

青龍白虎神

蘇城清嘉坊顧大參近年間爲其子成婚嘉禮旣畢儼相樂人皆散忽見有二長神並衣朱衣冠帶而見形于堂其家大驚拜之曰吾屬乃青龍白虎吉神也頃從申府來護汝喜筵言訖瞥然而沒明日遂設牢酒召巫祝祭享之鄰人竊話其事

水母娘娘

嘉興縣諸生張元弼本是蘇州嘉定人寄學嘉興所居在務前橋不修禮度爲鄰令君申黜元弼遂習于刀筆

繪園第十一

靈祇

天知不足齋重訂

之流求索枉陷自此益無厭矣一日病死宿昔乃蘇元弼卽集家中尊卑具說初有人追攝乘空而行至一曹院望陰君衣冠據案侍衛甚盛呼獄卒二人袒衣而捶從尾闕穴道抽其筋自見其筋長數丈色甚白在獄卒手掌中已覺徧身骨節間筋絡悉被抽去痛入心髓逾時而身漸柔軟其形縮小不復能起矣泣云元弼生時差無餘罪極刑重罰非所克堪陰君命吏取案前罪簿一卷擲地上與閱元弼從頭展閱見已罪狀有一十六款其第一款甚有條貫生平隱慝無不悉陳閱至末款

叩頭具服泣云罪狀無逃死晚矣但念窮儒男女無託乞蒙恩放陰君遂發文書令前攝人送付別曹元弼強隨之出既出院門不勝其憊且行且往百計祈于攝人攝人不聽前經一署問何官所居攝人云是水母娘娘公解汝不須入元弼聞言突入其內攝人跡之不及因與俱入見官人粧飾有若女主之狀兩旁侍從數十元弼哀懇叩頭千數娘娘語云汝罪在所不赦矣我爲汝勘文案不知有出路否卽召生典取籍披檢反覆詳看謂云汝枉害人無算只萬歷某年月日爲某人寫某事

猶園第十一 靈祇

元知不足齋重訂

訴詞獲與伸雪遣戍二名大辟一名此可准作一善不合便死試爲汝乞靈主者然免之與否未可知也遽命主典持籍白陰君陰君許之曰更賜伊壽三年仍令攝人送出於是而活其友包衡敘焉

赤沙塘岸神

萬歷中嘉定縣赤沙塘岸前村賣花少年背負花籠行岸傍微聞菰葦中窸窣聲入視見一麗質女郎嘖蛾掩泣詰之是富人小姬爲大婦如虐竄身于此少年曰我未娶能相逐于飛乎女郎低迴不言色已授矣少年發

狂直前抱狎備極歡踴女郎歎曰兒不食者三日從此
億矣少年窺其腰下有金數十餅遽乘羸頓斃之隨身
衣飾咸剝將去沉屍于河夜歸語婦方篝燈設食忽覩
雲端朱衣神數百駕車乘馬降于其庭火光中鎖一罪
囚至覘之其亡父也叱令畫供不從立杖四十乃下筆
神遂判限明日午時凌風而逝明日白晝震雷擊死少
年于塘岸女郎屍在焉事關于官追金葬女醫其婦縣
吏霍麟與祁大武說

東嶽判官

繪圖第十一 靈賦

字知不足齋重訂

常熟福山寺東嶽行宮廟森邃書生胡子文因醉入廟
顧見兩旁善惡判官笑而侮之因擊其掌惡判筆戲玩
移時懷之而歸既登舟行至中途有一皂衣人急喚之
去子文平居常持金剛般若至是忘其魂夢沿途誦經
不輟遽巡至廟門矣既入廟俯伏階下遙見堂上兩判
官東西對坐西向坐者奮髯大怒呵責其擊筆之故聲
色俱厲子文叩頭懺悔額皆墳起然誦經如故誦至第
三分兩判官一齊立起又誦兩章兩判官並舉手加額
于是東向坐者稍爲勸解子文又叩頭請西向坐者怒

少霽沉吟曰不可不小示懲警叱令肉袒舉箠罪乃
曰去子文遂燔汗而寤見身在舟中死半日矣趣歸其
夜疽發于背十旬乃瘳

會圖第十一 終

會圖第十一 靈祇

主知不足齋重訂



